

## WAT JAMMER HEAN!

Marie was de meid "vuur dag en nacht" zo ze rechtevoort zeait, van mien vaar en mooder, of better van mien moo. De vaar bemeuin zik nich met t vrouwleuweark in t hoes. Doar har he t vól te drok vuur.



Good vieftig joar leedn was Marie a bie oons en t was net of ze der ok een van oons was. Ze was der aaltied en ze was oaveral! Zoo rond de twintig joar was ze en ze was as ne oaldere zuster van oons jongs en wichter, dee nog op de leagere school warn en nog op de kakschool zatn. Dat zee der bie heurn gung zólfs zo wied dat ze op de grote meakeskamer, woar drie van miene zusters sleupn in twee naa grote ledikaantn, as ne veerde zuster bie j n kleanstn in t grote berre lag.

Non was dee sloapkamer boavn, an de aandre kaante van woar as wiej as jongs sleupn. Dat Marie doar kort bie de haand was, wa'w nich aait zo bliej met. A'w mer evn an t donderjaagn warn umda'w op nen

waarmn zommeroavend nich konn sloapn, dan was Marie der rap an too um oons jongs too te sprekn en t gebuurn mer n heel eankeld moal dat de vaar zólfs de trap op mos komn stoenv. En dan kóm wiej der met toosprekn nich meer of! Ik kan t hoaste nog veuln! Marie was strabaant en zo keek ze ok oet met dee kleane kralöagskes van eer. Zee har ok meer ongemak van oons dan van de meakes. Benaamp as de waske wier boetn hung an de liene en wiej t voetbaln nich konn loatn.

Met Sunterkloas spöln Marie aait vuur Zwarte Piet en wus persies hoo oonze ondeugn warn. t Hef joarn doert vuur wiej in de gaatn harn dat zee t was. Mooder zear oons aait dat Marie met Sunterkloas naar eer eagn volk hen gung!

n Paar joar leedn, a lang noadat Marie met oons t oaldersshoes oetgung - wiej um te learn, zee um vuur aandern te goan zörgn - veundn wiej Marie wier terugge in t bejoardnhoes. En um oew de woarheid te zegn, zee was nog niks veraanderd. Vuur zovól dat nog gung was zee aait gangs met aandern te helpn. En an alns wat der gebuurn dee ze met. Iej mosn eer aait zeukn a'j eer woln sprekn. In eer eagn kamer was ze nooit of te nimmer.

Dow der op nen middag warn en eer wier eargns aandern vunn harn en met eer op eer eagn ofdeling kwam zear de zuster: "Zoo, hebt ze diej vunn? Wat bis toch ne schungelproeme!" En zo was ze, aait in beweging, alns zeen en oaveral drok met en hölpveerdig. n Zetjn later kwam doar onverwochtends n eande an. Wiej tröfn Marie, dee aait zo bliej was da'w kwam en oaver vroger kuiern, met t heufd op toafel en ze zear mer alvedan: "Ik kan nich meer, ik kan nich meer. Wat jammer

hean, wat jammer hean!" Zee was merakel in de war en um de paar minuutn gung t wier: "Ik kan nich meer. Wat jammer, hean!"

De grote narigheid hef gelukkig nich zo lange duurt vuur eer. Noa n wek of drie kwam zee in berre en ok do zear ze aait mer wier: "Ik kan nich meer. Wat jammer, hean!" Op nen Goonsdagmiddag leup wiej biejeer binn. Zee zat half rechtop in berre en do ze oons zag zea zee: "Ik kan nich meer. Ik kan nich meer. Ik goa dood. Wat jammer hean, wat jammer, hean!" En do ze dat nog n moal of wat har zegd, zear ze, zonder een tröan-tjen te loatn, heel röstig: "Goat non mer hen, ik wil non goan sloapn". Wiej deudn eer de haand en gungn vot. Tien uur later was Marie in al ere röst, geloaten en tevreaan hen e goan. "Wat jammer, hean! Wat jammer!"

Willem-Jan-Herman.



Nog leverbare uitgaven van de Heemkundevereniging Bussemakerhuis:

Titel	Prijs
De Hof te Borne rond 1650	f. 5,00
Het Vikkaryboek van Weleveld 1765 - 1820	f. 5,00
Rond Horst en Hof te Borghende	f. 10,00
De Doopsgezinde families uit Borne in 1830	f. 5,00
Borne Historie en volksverhalen	f. 10,00
Grepen uit de historie van Borne, deel 2	f. 15,00
Landweren Borgen en Postwegen	f. 20,00
Plattegrond Borne, dorp, sectie D,	f. 2,50

De uitgaven zijn verkrijgbaar bij de penningmeester van de Heemkunde vereniging, de heer A.J. Linthorst, Zuid Esch 46, Borne, telefoon 074 - 667007.

## WINTERPROGRAMMA

Voor de bijeenkomsten van het resterende deel van het winterprogramma, heeft het Bestuur weer een paar leuke onderwerpen gevonden. Op **Donderdag 25 maart** is er een klankbeeld met voordrachten over "**Het leven en werk van Johanna van Buren**", de dichteres in oonze mooder-sproake, door mevr. T. Heupink - van Buren. **Dinsdag 20 april** geeft de heer J.J. Grootenboer een lezing met als onderwerp "**De Doopsgezinden in Borne**". Alle bijeenkomsten worden gehouden in **De Bijenkorf**.

Onze jaarlijkse excursie is voor 1993 gepland op **Zaterdag 5 juni** naar **Zutphen**.

*n Oons geluk is meer weerd as n poond verstaand.*